


Bioč je najveća grupa vrhova koji su se smjestili između dubokih kanjona: Sutjeske na Zapadu i Pive na Istoku. U ovom masivu nalaze se najveće stijene na prostoru ovih triju planina.



Vrsta je najdominantniji vrh na južnoj strani Mratinjske doline. Odlikuje ga impresivna sjeveroistočna stijena visine oko 700m i zapadna stijena visine oko 300m. Sjeveroistočna stijena svojim eksponiranim grebenom stvara sa zapadnim grebenom Oblika amfiteatar strmih tocila i stjenovitih skokova koji sežu do sjeverne stijene barijere Velikog Bioca i Gladista. U stijeni vrste protežu se 2 smjera od 700 m, Istocni brid, IV i Centralni smjer, V, koji su popeti još prije 60-70 godina ali još uvijek nemaju prvo ponavljanje! Pristup sjeveristočnoj stijeni Vrste ide od Mratinjskog jezera u blizini Mratinja, kroz sumu, pored manjeg jezera na sipare pod stijenu.



Vrh **Oblik** se nalazi istočno od Vrste i njegova sjeverna stijena predstavlja logičan pravac nastavka sjeveroistočne stijene Vrste. Visine je 450m, a širine oko 1000m. Pristup je isti kao za Vrstu.



Sjeverna stijena Gladišta je najveća stijena skupine Bioč. Visine je oko 750m, a širine oko 3.5km. Uprkos svojoj veličini sakrivena je od pogleda gotovo sa svih strana. Pristup stijeni ide od Mratinja pastirskom stazom na jug, sumovitom padinom na livade katuna Oblik. Idući jugoistočnim stranama Oblika izlazi se kroz sumu na sipare. Prijecanjem sipara izlazi se iznad dvije vrtace ispod sjeverne stijene. Do katuna Oblik moguće je doći od Mratinjskog jezera prijecanjem podnožja sjeverne stijene Vrste i Oblika. Impozantna stijena Gladista je vidljiva sa obala akumulacionog jezera tačnije negdje sa pola puta koji vodi od Pluzina do brane Mratinje. Stijena nije ispenjana